

武寧縣志卷之三

武寧縣知縣滇南李 珣纂

形勢

太平迤邐靈氣鬱盤柳峯南峙石鏡東縣修江綿衍收
納十川武居其腹天寶始遷鄉區以九郵畫為千崇岡
四峻雲喬霞妍奧區日闢

文教宏宣志形勢

豫章多峻嶺深澗 職方乘

修江之清溫泉之靈雲洞花塢竹屋草廕雞犬絃誦之聲相
聞於青嵐白瀑中數百里不絕 唐呂溫海昏集序

大江以西山水之秀甲天下 黃庭堅記

武寧最山川勝處西北為尤勝幕阜九宮綿亘二山秀出雲

武寧縣志

卷三

形勢

三十一

三百十五

表蓋吳楚相入處也 宋楊恢玉清宮記

環武城皆山蒼岬翠壑古澗生風峭壁層嵐泉飛瀑布 宋白玉蟾

湧翠亭記

翼然如舞天之鶴婉然如入天之龍者柳山也窈然如霞姬
之帔湛然如湘娥之縠者修江也 全上

柳山為豫章巨鎮卓然崛起萬山間其端重類君子其秀雅
類學士大夫其幽閒靚深類隱者其萃律巉絕類竒傑特

立之士 宋章鑑柳公祠記

陸有劍閣列棧之雄水有玉峽諸灘之險 武寧志

武寧為隆興西南壯邑山刻而水駛 元范梈學記

武寧山峻水清為南郡奧區 明楊廉縣志序

四山蒼翠環拱秀溢雲端 馮琦序

武寧爲縣僻在萬山中當修江上游水泉灌溉之利峯巒岑鬱之美亦望縣也

陸深序

鬱爲柳峰衍爲修江丹崖翠壁綠水紅泉蓋神麗之隩區華

腴之雋地

陳璉序

諸峯羅列環拱而獻秀佳氣鬱葱其萃於是乎

邵寶閣記

玉枕伊山峙其陰白崖柳峯當其陽天馬金雞羅屏鍾鼎拱

列左右俯視修江委蛇縈帶四時雲蒸霏靄喬變無端

張寰

樓記

豫寧山水秀絕鍾於人者多秀拔自喜之氣

黃一鵬記

修江寧望也江何以修名江自寧入於鄱湖凡七百里其修

委而遠也或曰江源修潔飲者類之故多賢而可錄也

費宏

修江先賢錄序

武寧縣志

卷三

形勢

二 四百四十五

武寧盡山谷爲依鬼砢斗峭崕陰盤曲泉瀆徽篁松吟颼颻

徃徃有仙人羽客隱君子流連其地丹竈鼎盂塵几碁砑

諸遺跡

馮其世序

北彌玉枕西接九宮南望柳山東眺吳峯足以盡一邑之勝

概

湯民貞樓記

修水縈紆七百里山奧衍而秘喬巖洞尤怪絕

修水草序

豫寧爲邑巖穴紆迴煙雲綿緲危尋曲討佳境良多其險隘

則朱家山紫鹿嶺石棧雲關可以避囂而遠俗其沃衍則

梅林埠蜈蚣渚平疇綺陌可以力穡而安農村落如長野

瓜圃水美林香武陵桃源之勝不是過也洲嶼若鯁澗龍

潭月白風清南浦西湖之麗無以加焉是以仙人愛其幽

遐高士樂其修潔

半艫綺語

比連玉枕東懸石鏡省志

武寧縣志

卷三

形勢

三

二千四
千六字